

A painting of a young shepherd with dark hair and a beard, wearing a yellow tunic and orange shawl. He holds a wooden staff and reaches out his right hand towards a small white lamb. The background shows a green hillside and a blue sky.

# ABUNĘ KIKWATĘ

ENĘ KI KO CHE:  
WATSON GOODMAN

ALAFA—MA KI TAN

# **ABUNĘ KIKWATĘ**

Abunę kikwate ch'Amogba wewe kuma ko dama kwugbo ojoji ojoji efu Baibul uchekedonu ka kótekada Ọméméle kineke kóla Akanereju ẹfolojo che Baibul Onugo.

Ola ojo “kwatę wa” Ila chęuń abunę gbali ñwedo k’ebi kpai Olugbę ewń Ọkpakpa akpo. Egba konę mibe rida ki tēbięnewńno ki mu Kraist gba ki ch’ondu efedo ñw. Kila mędo kono Ondu Jisós Kraist kaki ch’Enajadu kwefędowń chaka Ondu adolawń ño ila aduyo kpai Uredo tefedo akędonole Unuma-i efodo mi 1937. Ila ne gbaudu kuta eta kpai Ondumi daru kwęgba lę. Natene kę molawę duwń ki chajadu kpai Ondu wę abajo-i. Ichęwń kę ma che abale mamatan.

—Watson Goodman (1920-2002)

Rom 5:8

Ojo muda d'ufędọ e-wñ dago  
pee ñw a, kakini, Egba k'a  
ch'amẹnadle ta, Kraisti leku  
todu wa.

Jon 13:1

On ọgba tak ujeju ucholo Elalo-  
ji lę wanę, abu ku Jisus chema ka  
k'awa-wñ todū k'i kwo b'ef ilę tę  
k'i ny'ugbo Ata lewa mę; alu k'i  
tętafędọ abo e-wñ ku ma j'ef ilę, i  
fędọ ma gbogbo t'ukpoji.

Ola Ebitę 1:5

Kpai kw'ugbo Jisusi Kraist  
Enibenu k'i achubi onę, k'i  
ch'Omogba e-abo ki ku, k'i nō  
ch'Agboji amonu anę ilę-i. Ojima  
kp'ugbiñmi t'ogbegbelę nyilewa

ki t'ugbo ẹnę k'i afędọ wa k'i nō  
m'uwa tutanę kwef adure-wa ef  
ębiewñ.

Jon 3:16

Todu, abu k'Ojo fędọ ilę lę dę,  
todabęlę i m'Ọma-wñ okpono  
duchele, todū k'ęnę du ki  
akędọn'o ki we elenyọ, k'i muda  
n'iñmi ogbegbele.

Jeremaya 31:3

Jihofa kwotejugede ñw mi kw'  
onajiji. I kakini, I-i omi tęte-  
n'ufędọ ogbegbelę afędọ wę;  
todulę on u n'ufędonyo afa wę wa.

Jon 15:13

Ufędọ ki t'e-lę le ẹnę du nę n,  
owñ ch'utodu k'onę ki m'ojo ola-  
wñ du tinyo tod amonuku-wñ.

## 2 JISQS KRAIST CHE ACHQNA ẸWŃ DUU

I la n'iñwa n, afili ekpedor'Qjo tabale: Owń ki kwotejugede ef ɔrela, ma f'ale da ñw u ef afu, amonuchę Qjo f'u li, ma f'akoya-wń ta ef abo uchęichi, ma kędon'owń ef ile, ma m'u gba t'atę ef ojima.

—1 Timoti 3:16

Matiu 1:22, 23

Oñ ọgbọ ẹwń-i du wa che todū k'ewń k'Ondu ka lef akachę lę ki chę kakini, Mę go, igbélé ki ma m'enékélé n lę adefu, i la abi ọma enékélé, oñ ma ad'odu-wń kọ Imanuel; ku ma j'omudechi-wń kakini, Qjo kpai awa.

Jon 14:7-10

Ichewń ku mę ma ma mi, mę ma ma Ata-mi gę. Akwęgba kidę mę

chem'owń, mę la f'u li mę. Filip ka ñw u kakini, Ondu, d' Ata ña wa, tak i ab'uwa jo. Jisus ka ñw u kakini, U kpokpę ugbo mę abe-i, ę la ma mi ta n, Filip? Ęnę ki f'umi li f'Ata li mę; abile k'uwę akakini, D'Ata ña wa? Ę kędono ka k'omi d'ef Ata, k'Ata, la d'ef umi n? Qla alu-mi e-k'omi aka ñwu mę-i, i ch'ibe efu-mi oñ naka-i n; Ata k'i muda gugu efu mi ach'ukolö e-wń le.

Jon 1:1 kpai 14

Egba abakwanę ejodudu ọla k'a ka-i dömö. Oñ ọla le d'ugbo Qjo Ọla lę la ch'Qjo. . . . Ọla k'a ka-i la mud ɔrela oñ i gënę ef uwa, . . . i ch'ekö ñw ufędényo kp'ochochi.

1 Jon 4:15

Ene du ki agbalu kakini, Jisus ch'Qma Ojo, mak Ojo gugu ef ene le, oñ ene le gugu ef Ojo.

Kolose 2:9

Todu ukefu onugo Ojo duu, dodo ef uwñ ef añaola.

Aizaya 9:6

Todu ma f'oma bi ñw a, ma la m'omenekele du ñw a; odata du aj'ojika-wñ, ma la ad'odu-wñ kó Awuwu, Enohiala, Ojo ki gbiti, Ata ogbegbelé le, Onu Urédo.

Luku 1:35

Tak onuché le dohi ñw u kakini, Afu Kiafó awa b'ę ma, oñ ukpahiu Ojo Chamachala ach' ojiji b'ę ma:

lef e-le oñ ma adó ewñ kiafó k'uwe abi le kó Qma Ojo.

Matiu 17:5

Abu k'i n'ola le aka ta, go, akpa k'i afané debono ma; mè la go, omukola kwef akpa le kakini, Owñ-i ch'Qma ufedo-mi k'u f'uyo-mi li ef uwñ; mè gb-ola-wñ.

Jon 1:33, 34

U la m'o n; ene ki muda kpé mi wa ache baptism ef omiofo, owñ le ka ñwu mi kakini, Ené k'uwe ali abu k'Afu agworu awa k'i la kwogugu oji-wñ, ene le ch'ené ki ach'oné baptism ef Afu Kiafó. Omi la f'u li mè. U laño f'ibenu-wñ gba kakini, Ené-i ch'Qma e-Ojo.

# JISQS KAWŃ WA ẸNÉ KICHE

**Jon 8:23**

Tak i ka ñwu ma kakini, Amẹ ch'abo oganẹ, omi ch'abo atẹ; amẹ ch'abo ile-i, omi ch'abo ile-i n.

**Jon 11:25**

Jesus ka ñw u kakini, Omi ch'udajikwanẹ kpai iñmi: dagba ẹnẹ ki akedon'o mi chaka leku, i adeju chuu.

**Jon 13:13**

Amẹ dọ mi kọ Akonewń kpai Ondu, ọmẹmẹlẹ mẹ la ka-i, todū abẹlẹ u dẹ.

**Jon 9:5**

Egba k'u d'ef ile u ch'uganẹ ile.

**Jon 6:35**

Jesus ka ñwu ma kakini, Omi ch'ujewń e-iñmi; i nugbo du k'ebi

akp' ẹnẹ ki aw'ugbo mi n; i la nugbo du k' olugbe akp' ẹnẹ ki akedon'o mi ogbegbelẹ n.

**Jon 8:58**

Jesus ka ñwu ma kakini, Ami, ami, naka ñwu mẹ, omi dọmọ taku ma bi Ebrahim.

**Jon 10:7**

Todule Jesus ño dabi ka ñwu ma kakini, Ami, ami, naka ñwu mẹ, ka k' omi ch'alugbana amala.

**Jon 4:25, 26**

Onobulẹ lẹ ka ñw u kakini, U chema ka ku Mésaya awa (e-ku ma dọ Kraisti lẹ); egba k' ẹnẹ lẹ lewa, i aka ewń du ñwu wa. Jesus ka ñw u kakini, Omi, ki akóla ñw ẹ-i, omi lẹ dẹ.

# ICHEKIBO AMUKOLQ AWUWU KU JISQS CHE 5

Tak i ñwa ñw ọwọ amonẹ lẹ ku ma chekukanẹ oj egbe oñ i m' akala mèlu kp'ejá meji lẹ gba, i m'eju kor'ojale, i f'aduwa-wñ che; tak i f' akala lẹ guché, oñ i m'u ko ñw amakoché-wñ, oñ amakoché m'u ko ñw ọwọ amonẹ lẹ. Tak ochaka-ma jẹ oñ efu-ma kó. Ma la m'ajébó k'i ku ma bó ko, i ch'ekó aligada megweji. Oñ abo ku ma jẹ la dab abokélé icham ny'ogwókó mèlu, abobule kp' abimótó la d'ó n.

—Matiu 14:19-21

ka nak'iga ny' omi. Tak abu ku ma f'e-lẹ che, ma f'ejá bunyi ekó; oñ iga-ma akóda.

## Matiu 20:30 kpai 34

È la go, abu k'amafeju meji ku ma gugu et ọna gbó ka ku Jesus alale, ma kwa kakini, Ondu, Qma Defid, li uwa ejumomi! . . . Oñ abu k'ejumomi-ma ma jẹ ñw u n, Jesus dòwókad'eju-ma, tak ababalé ma kwogane, oñ ma r'ó ubi.

Oñ abu k'i f'oli ọgbaikolo'ka li eti ọna, i lewa ofe-wñ, i la li ewñ du oji-wñ n, chai eñmi kate. Tak i ka ñw u kakini, I n'ugbo du k'ẹ ro ogbegbelé gẹ n. Tak erere lẹ oli ọgbaikolo lẹ gbé.

—Matiu 21:19

## Luku 5:5, 6

Taku Saimón dohi kakini, Qdá-fé, a ch'akanya gbogbo ñw ojo, a la mu ewñ du n! ama tod ọla k'ẹ

# 6 JISQS KRAIST CH'ACHQNA ẸWÑ KPAI ONDU

## Kołose 1:16

Todu ef uwñ ma nyi ẹwñ du, t'e-efojale kpai e-anéile-i, t'ewñ k'eju li, t'ewñ k'eju ma li n, dagba i ch'ede, dagba i ch'ondu-eche, dagba i ch'agboji-eche, dagba i ch'oda-enę; ma nyi ẹwñ du lef uwñ kp' utod uwñ.

## Hibru 1:2

Ojo . . . ef ojo otitala-i i kola ñw a ef Qma, e-k'i m'u du ch'ęnę k'i aję ẹwñ ogu du, oñ i f' ọkpanachi ọkpanachi che tę lef uwñ.

## Rom 14:9

Todu ewñ le Kraisti leku, i nō deju gę, own ch'utodu k'i mud Ondu abo ki ku kpai abo ki deju.

Ẹwñ du wajọ lef uwñ, ef ẹwñ du ki wajọ, i n'e-du ki wajọ ubi-wñ ojoji n.

—Jon 1:3

## Ẹwñ k'Amenukpuché Che 2:36

Todulę abo unyi Israël du ki ma ọkpaka-wñ kakini, Ojo mu Jesus k' amę du kamoli lę du che Ondu kpai Kraist, ejeji-wñ.

## 1 Kɔrint 1:9

Ojo ch'achubi onę, lef uwñ ma f'umę dọ tef uta e-Qma-wñ Jisusi Kraist Ondu-wa, eta.

## Efesus 3:9

K'u laño d'ewñ ki ch'igede afili ki maję ef Ojo k'i nyi ẹwñ du lę kwo igbele igbele w'ef ugane.

Rom 14:10

Ewñ chi k'uwę akajq omaye-wę taa? abék ewñ chi k'uwę ach'ędętę omaye-wę? todı ọchaka-wa adago ọgba ede Ojo.

Matiu 25:32

Taku ma ak'abo ucheichi ucheichi du wa j'ogba-wñ. Oñ i ada ma ru b'omunę tẹ, alu k'adide ala ad' amala ru b'amewo tẹ.

Jon 5:22

Todu Ata akajq ẹnẹ du n, i la m'ajo eka chaka ko ñw Qma mè.

Rom 2:16

Ojo k'Ojo akajq ewñ umaja e-amone lefu Jisus Kraisti likpa alu k'Uchęnyomi ka.

2 Timoti 4:1

Nagbibenu ñw ę gbalii eju Ojo kpai Kraist Jisus e-k'iache k'i kajq abo ki deju kpai abo ki ku, kpai, utejugedewñ kpai ojanę-wñ.

Ewñ K'amenukpuchę Che 10:42

Tak i ka ñw a k'a takoya ñw amone, k'a la f'ibenu gba nyonyo kakini, Owñ lę ch'ęnę k'Ojo fudatę k'i ch'akajq abo ki deju kp'abo ki ku.

Luku 3:17

Ofefę k'i n' akwu igbogbo-wñ k'i aję ñw ajita-wñ kwo hiolo d'ef ọwọ-wñ, k'i ay'oka-wñ nyef aka-wñ; i muda agw'igbogbo-wñ jo ef una ki ma j'alu n.

## 8 UL'ONĘ TANĘ LEFU KRAIST KATE WA

Omi ch'alugbana; ichewn k'enę  
du guduwa lefu mi ma ajadu-wn;  
tak i any'ejefu, i adufu, oñ i ali  
iję k'i ję.

—Jon 10:9

Jon 14:6

Jesus ka ñw u kakini, Omi  
ch'ona kp'ochochi kp' iñmi: i ma  
l'ef umi n, enę du aw'ugbo Ata n.

Jon 8:24

Todulę u ka ñwu mę ka k'amę  
aku ef adure-mę; todu, ichewn ku  
mę ma kedonę ka k' omi dę n, mę  
aku ef adure-mę.

Galatia 1:3-5

Ufędényo kpai urędo ki d'ugbo  
mę kwugbo Ojo Ata kpai Ondu-  
wa Jisus Kraist, k'i m'ola-wn du  
chele tod adure-wa, todu k'i gba

wa kwef ıkpanachi bibi-i, alu ki  
d'Ojo kpai Ata-wa ędö. Ojima ki  
ch'e-wn ogbegbelę nyilewa. Ami.

Oñ abu k'i mufu kpoji i mud  
ewn ki chi k'ujadu ogbegbelę  
domo ñw abo du ku ma gb'ola-wn  
gbo.

—Hibru 5:9

Hibru 7:25

Kw'ugbo e-lę i neke jadu abo ku  
ma gudu w'ugbo Ojo lef uwñ  
t'ukpoji, abu k'i deju ęgba du k'i  
chologu todu ma.

Ewñ K'amęnukpuchę Che 4:12

I la n'enomunę k' ujadu d'ef  
uwñ n; todu i n'odu omunę ooji  
du ögane ojale-i ku ma d'u tę ef  
amonę ki d'ugbo ku ma ajadu wa  
ef uwñ n.

## Kolose 1:12-14

Mẹ nagwa Ata k'i jẹ ñw a b'ukpẹ ẹwñ ogu e-abo kiafọ jọ ef uganẹ. Ówñ lẹ m'uwa gba kwef ọda ẹchubi, oñ i m'uwa ko r'ef ojanẹ e-Qma ufedo-wñ; e-k'awa n'ulonetanẹ ef uwñ, owñ ch'etono ku ma t'adure-wa nọ lẹ.

## Taitos 2:14

K'i m'ola-wñ duchele todu wa todu k'i la wa tanę b'owọ ubiterek du te, k'i lañọ f'amone gwéhiolo ñw ola-wñ k'i nẹ ma, ku ma gólaru ukolo omemelé.

## Ola Ebite 5:9

Oñ ma n'eli etito ako, kakini, Uwe nyo bojo k'ę m'ubuku lẹ gba, k'ę la m'uhukọ-wñ chi, todabu ku

ma d'uwe kpa, k'ę lañọ f'amone la ñw Ojo ef ębię-wę, kwef ọlopu kp'alichi, kp'amone kp' abo uchęichi du.

## Luku 19:10

Todu Qma Onę lewa k'i feju k'i lañọ jadu e-ki lenyọ.

## 1 Kɔrint 1:30

Ówñ la ch'etę-mę efu Kraisti Jisusi k'i mud ofili ñw wa kwugbo Ojo, t'okpakpa t'efo, t'ula-onę-tanę.

## Galatia 4:4, 5

Ama egba k'iko-wñ jọ, Ojo f'Qma-wñ kpuchę dufu, onobule bi, i la bi tef oloda, todu k'i f'abo ku ma j'ef ọwo oloda la r'anę, todu k'awa ki m'oda oma gba.

**Rom 5:9 kpai 11**

Todulę, abu ku ma f'ale da ñw a ef ębię-wñ fai mę, mak ejadu ku ma ajadu wa kwo b' uwędọ tę lef uwñ atule ololo. . . . i la ch'e-lę kate n, a muda ño d'Ojo buba lef Ondu-wa Jisus Kraisti, lef uwñ a m'uñoru lę gba fai mę.

**Efesus 1:7**

Ela wa tanę ku ma la wa tanę a né ef uwñ lef ębię-wñ, owñ ch'e-tonę k'i t'uñwananę-wa nō ñwu wa t'eju alu k'unana ufędęnyo e-wñ de.

**1 Pita 1:18, 19**

Abu ku mę chema ka k'i ch'ewñ k'i achę dab ajifa kp'ojamalia oñ ma né la mę tanę kwef ęwñ ọgu

owai k'amata-mę du tanę ñwu mę lę n. Chai ębię akoko, k'i dabęnę k'e-omala k'i ma n'uchalu n, k'i ma la n'ekpabię ọla n, owñ ch'e-Kraisti.

**1 Jòn 1:7**

Ichęwñ k'a muda tale ef uganę, alu k'owñ def uganę, mak a n'uta ata kp'omunę, oñ ębię Jisus Ọma-wñ n'awa agwę hiolo b'adure du tę.

**Hibru 9:14**

Kali onu monu k'ębię Kraisti k'i m'ola-wñ ki ma n'enyolę n du ñw Ojo lef Afu e-ogbegbelę lę agwę akonę ọla ki d'ef ędọ-wa hiolo b'ukolę uku tę k'a ch'ucholo ñw Ojo ki deju?

## Efesus 2:8, 9

Todu ufədə-ənyəq ch'ewñ ku mə j'ef ujadu lef ədə ekono. E-lə la ch'efumə i kwo n, chai ele Ojə i che; i la ch'ef ukolə eche i kwo n, todəgba k'ənə du abuba-wñ.

## Rom 5:1

Todulə abu ku ma f'ale da ñw a kwef ədə-ekono, a ki n'urədə ugbo Ojə lef Öndu-wa Jisus Kraisti.

## Galatia 5:6

Todu efu Kraist Jisus t'əpi-eda, t'əpi-odukulu ch'abu du n; chai ədə-ekono ki achukolə lef ufədə.

## 1 Jon 5:4

Todu əwñ du ku ma bi k'etə-wñ ch' Ojə af'ilə du; edu ki la adu ilə-i la də, owñ ch'ədə ekono-wa.

## Jon 20:31

Ma muda f'e-i kə todū ku mə ki kədəno kakini, Jisus che Kraist Öma Ojə, todū k'abu ku mə la kədəno ku mə ki n' iñmi ef odu-wñ.

## Jon 6:28, 29

Todulə ma ka ñw u kakini, Ewñ a che todū k'awa ki ch' ukolə Öjə? Jisus dohi ñwu ma kakini, Ewñ ki ch'ukolə Öjə də, todū k'amə ki kədəno ənə k'i kpuchə wa.

## Filipai 3:9

Ku ma ki ño f'umi li ef uwñ k'u we en'əkpakpa e-mi k'oləda ch'etə-wñ lə, chai e-ki dəmə lef ədəekono Kraist, owñ ch'əkpakpa k'Öjə ch'etə-wñ l'ona ədə ekono.

**Eli Ekọ D'Ọjọ 103:11**

Todu alu k'efojale d'atate ñw anẹ ilẹ, alu lẹ oñ ufedenyọ-wñ chenana ñw abo ku ma railo-wñ.

**Eli Ekọ D'Ọjọ 103:17**

Ufedenyọ Jihofa muda ch'akwo ogbegbelẹ t'ogbegbelẹ ab'ojo abo ku ma railo-wñ ma, ọkpakpa-wñ la dòmọ ñw amoma e-amoma.

**Maika 7:18**

Enẹ ch'Ọjọ ki dab uwẹ, k'i at'udu k'onẹ fẹ nọ? k'i alale gu ada k'ebobọ ẹwñ ogu-wñ jẹ du? I agwony'uwedọ-wñ gbogbo alo n, todabu k'i ayọ ñw ufedenyọ.

**Edinaku 3:22, 23**

Ufedenyọ Jihofa ojoji ojoji ch'ewñ ki chi ku ma ma f'uwa lię

kpa n, todabu k'ejumomi-wñ ma n'uda n; i ch'etitọ ojoñwa ojoñwa; echubi-onẹ-wẹ gbegbẹ.

Todu ufedenyọ-wẹ chenana legu efojale du, ochochi-wẹ la kad'ojale. —Eli Ekọ D'Ọjọ 108:4

I kw'ef ukolo eche ọkpakpa k'a j'ache n, chai alu k'ejumomi e-wñ dẹ oñ i jadu wa, lef egwẹ ku ma gwẹ wa, ebi wa etitọ lẹ, kpai eñwóche k'Afu Kiafọ aña'w'uwa che etitọ. —Taitos 3:5

**Hibru 4:16**

Todulẹ a ki naneju, ẹgbo temer'ede ufedenyọ lẹ, todú k'awa ki gba ejumomi k'a ki lañọ f'ufedenyọ li ki ateko wa iko k'eku ẹwñ aku wa.

Matiu 11:28

Mẹ lew'ugbo mi, ọchaka-mẹ, ku  
mẹ jọ ach'akanya, ku mẹ la n'adu  
ki f'umẹ ka, k'u nad' uñmi ñwu  
mẹ.

Aizaya 55:1

Uwẹ, ẹnẹ du k'olugbẹ akp'o, mẹ  
lew'ugbo omiofo-i; kpai ẹnẹ ki ma  
n'okọ n, mẹ lewa la ku mẹ je! Mẹ  
lewa l'omi achiwebetẹma kpai omi  
ẹnya, i n'okọ oji n, i n'alu aja n.

Jon 7:37

Egba ojo otitala e-ki ch'ojọ lile  
e-ujeju ucholo lẹ, Jisus kwodago, i  
domudago kakini, Ichewń k'olu-  
gbẹ akp'ẹnẹ du k'i naw'ugbo mi  
añm'omi.

Ola Ebite 22:17

T'Afu, t'oya-etitọ lẹ kakini,  
Lewa. Ẹnẹ ki la gbọ k'i nakakini,  
Lewa, oñ ẹnẹ k'olugbẹ akp'o, k'i  
nawa: ẹnẹ du ki d'owń ẹdọ ki lewa  
gba omi e-iñmi ele ofofo.

Aizaya 1:18

Lewa ta, k'a f'ibe-wń lo, Jihofa  
ka-i: dagba adure-mẹ ki kpa  
chuua, i afẹ dab isno; dagba i kpa  
gaa, i adab edudu ala.

2 Timoti 1:9

K'i jadu wa, k'i lañọ n'udọ kiafọ  
dọ wa, l'ona alu k'ukọlo e-wa dẹ n,  
chai l'ona ibe e-wń k'i ñwatanẹ  
kp'ufedo ẹnyo e-k'i du ñw a efu  
Kraist Jisus ọgba tak iko ogbe-  
gbelẹ chanẹ.

## 14 ICH'QACHAKA AMONĘ CH'AMỌMA OJO N

1 Jòn 3:10

Ef e-lẹ́ oñ amọma Ojo kp' amọma Abulumone tejugede jọ: ẹnẹ du ki ma ch'ache ẹwñ ọkpakpa n, mak ẹtẹ-wñ ch'Ojo n, kp' ẹnẹ ki ma afẹdọ ọmaye-wñ n.

Rom 8:14, 15

Todu aluka abo k'Afu Ojo anẹ ma le, abo lẹ ch'amoga ọma e-Ojo. Todu i ch'afu e-adu ki ajẹ ñwu mẹ railo oñ mẹ dabi gba n; chai Afu e-ki ako mẹ ch'oma oñ mẹ gba, ef e-lẹ a kwa kakini. Ada, Ata.

Filipai 2:15

Todu ku mẹ ki we en'uchalu, k'ewñ ejaduña ki we egwégwa ny'umẹ, ku mẹ ch' amọma e-Ojo ku ma ma n'ekpabiẹ ọla n j'alume-

ji ọgba amonę ki mugọ ki murida t'iba-i, ef abo e-lẹ amẹ kwotegude dabẹnẹ k'ewñ uganẹ ef ile-i.

2 Kɔrint 6:17, 18

Todu kidę mẹ kwef alumeji-ma dufu wa, mẹ ki mudatẹ ojoji, Ondu ka-i. Mẹ ki la d'ọwọ kado ẹwñ du ki ma fẹ n: tak omi agba mẹ nyi, tak u nach'Ata ñw mẹ, tak amẹ ach'amọma ẹnẹkele kp' onobulẹ ñw mi, Ondu Odobaogagu ka-i.

Jòn 1:12

I muda d'ọda ñw abo du ku ma m'owñ gba ku ma mud amọma Ojo: owñ ch'abo du ku ma kẹdọn'oduwñ.

Galatia 5:19-21

Ukölö k'orëla ache la kwotejuge  
ede më, owń ch'ewń abutabu  
eche kp'iwa kp'ewñtuń eche  
kp'ode eche kp'obochi eche  
kp'enebi eche kp' uja enyi kp'ogu  
eja kp'ekedofulu kp' edanekpeju  
kp'ed'onę ru kp'uchę edate ojoji  
ojoji kp'elienna kp'otę eñmọ  
kp'ewń awulu eche kp'ewń ki dab  
e-lę; naka ñwu më tanę ugbo ewń  
i alu k'u ño ka ñwu më ög bogba lę  
kakini, Abo ku ma j'ef ewń ego-i  
ache aję ewń ogu ojanę Ojọ n.

Aizaya 5:11

Atogwo! ñw abo ku ma takpa  
kwani odudu, ku ma ful  
ny'atene otę una, ku ma ño jo

gbogbo t'egba k'anę arefu gbogbo  
tak omi achiwebetęma ko ma ędǫ  
kwani!

Rom 13:13, 14

A ki tale etelę dabęne ki  
ch'orokha; awa ki i'ef ewń awulu  
kpai otę eñmọ n, awa ki j'ef  
ejuaga kpai ewñtuń eche n, awa ki  
j'ef arę erę kpai ogu eja n. Mę k'i  
muda m'Ondu Jisus Kraisti dut'  
ola; më ki kp'ibe tanę tod ewń  
k'orëla ach'ęño-wń n.

Ita, Ita 23:31, 32

Ę ki d'equ g'otę egba k'i bienyu  
n, egba k'i ata ef ago, egba k'i  
agworu ny'ef ofa oligoligo. Egba  
otitala-wń i al'onę dab ejo, i ale  
dab olijo.

Matiu 22:37, 38

Oñ i ka ñwu ma kakini. Uwē ki fèdø Ondu Ojø-wé kpai ọgbø ẹdø-wé du kpai ọgbodudu onugo-wé du kpai ọgbø ibe-wé du. E-ki ch'ọla ukø lile kpai e-ejodudu dø.

Mark 10:17-22

Oñ abu k'i d'eré t'ona alo, ẹnẹ 'ka fulé wa k'okuku nyané ñw u at'owñ ene kakini, Akonewñ, uwé ẹnẹnyø, ẹwñ nache todú k'u najé iñmi ogbegbelé ogu? Oñ Jisuš ka ñw u kakini, Ẹwñ chi k'e dø mi k'ẹnẹnyø? Ẹnẹ du nyø n, chái ẹnẹ okate, owñ ch' Ojø. Ẹ chema ọla ukø lè, Ẹ ki kponø n, ẹ ki tene oya ẹnẹ omunø n, ẹ ki joji n, ẹ ki ghibenu olemi n, ẹ ki chuji n;

bumø ata-wé kpai iye-wé. Oñ i dohi ñw u, kakini, Akonewñ, omi tètade ẹwñ-i du akwègba k'u ch' imòtø okolobia. Oñ abu ku Jisuš kejur'u, i fèdø wñ, oñ i ka ñw u, kakini, Ẹwñ kate nyar'e: lo, f'ẹwñ du k'e né ta, k'e m'ókø-wñ ko ñw aménale, tak uwé an'ẹwñ akoko efojale: tak e lewa t'umi ubi. Tak i f'ieu bu ny'owø tod ọla lè oñ i ch'edòdudu kw' ọmø alo, todú i n'idu nana.

1 Jon 5:11, 12

Ibenu lè la dø kakini, Ojø d'iñmi ogbegbelé ñw a, iñmi lè la d'ef Ọma-wñ. An'Ọma lè f'iñmi ogbegbelé né mè, ẹnẹ ki ma n'Ọma Ojø n n'iñmi n.

Mę ki jẹ ñw ḥen du nę ola ofofo  
m' umę ibe da n; todu lef ewan-i oñ  
uwedo Ojo awa b'amoma ukö  
egbolagbo oji ma. —Efesus 5:6

## 1 Kɔrint 6:9, 10

Abék amę ma kak'amenuji aję  
ojanę Ojo ogu n-in? Mę ki jẹ ñw  
ḥen du ko mę la n. T'amena-  
butabu t' amachode t'abo ku ma  
tene oya onę, t'abo ku ma deidele,  
t'abokélé ku ma b'enékélé dachi,  
t'amajoji, t'amenejufufu, t'ama-  
nmotę, t'amab'onę ina, t'ama-  
dinya aję odata ojanę Ojo ogu n.

## Jeməs 1:22

Mę ki muda ch'amache ewan k'  
ola lę ka; ku mę la we ech'amagbo  
kate, ola-mę eda ibe e-lę che.

## 1 Jòn 3:7, 8

Amoma-mi, mę ki jẹ ñw ḥen du  
ko mę la n. Ache ewan ɔkpakpa  
ch'okpakpa, alu k'hen le ch'ɔ-  
kpakpa. Ete ache ewan adure  
ch'Abulumonę; todu Abulumonę  
tetadure kw'abakwane....

## Galatia 6:3 kpai 7

Todu ichewn k'hen du dọ k'i  
ch'ewan 'ka abu k'i ma ch'ewan du  
n, mak ibe ola-wn i ada le. . . . Mę  
ki d'ola-mę la n; ma gw'Ojo iñmo  
jẹ n: todu ewan du k'onę gbę, e-lę i  
ñ'ako w'unyi ge.

## Matiu 24:5

Todu amonę wewe awa ef odu-  
mi, ma kakini, Omi Kraisti lę dę;  
ma la aję ñw amonę wewe la.

Rom 5:12

Tod e-kidę, alu k'adure gudu lef  
enekate w'ef ile, k'uku lañö lef  
adure wa, abeļę tak uku legudu  
ny'ugbo amonę du, todu ọchaka-  
ma dure.

Jemēs 1:15

Tak egba k' eñö ewñ le f'efu  
nyo, i abi adure. Adure la gbakpa,  
i ad'uku dufu.

Rom 8:6

Todu ibe ọręla ch'uku, ama ibe  
e-Afu ch-iñmi kpai urędö.

Luku 15:32

Ama egwoguyo kpai eyo ch'eju-  
wñ; todabu k'omaye-wę kidę leku,  
tak i ño dabi adeju-i ge; i lañö  
lenyö, ma la f'u li mę.

Izikiel 18:20

Onugo ẹnẹ ki dure, onugo le  
aku: oma an'udu ata-wñ n, ata la  
an'udu oma-wñ n. Okpakpa ẹno-  
kpakpa b'enokpakpa le ma, oñ  
ewñ bibi ẹnèbibi ab'ènèbibi le ma.

Ita, Ita 11:19

Alu k'okpakpa ale r'owö iñmi,  
abeļę ẹnẹ ki at'ebienę ubi ale r'  
owö uku ọla-wñ.

Ola Ebitę 21:8

I la ch'eamachokpo, kp'abo ku  
ma kọ kędöno, kp'abo ihiyenę,  
kp'amakponę, kp'aménabutabu,  
kp'amachobochi, kp'amachode,  
kp'amaremi chaka, ukpę e-ma  
ch'ef ubu ki ajo una kpai itolu; e-lę  
ch'uku ekeji.

## Luku 7:14, 15

Tak i mutewa adowokad'akpatawñ, oñ abo ku ma n'ę kwodago. Tak i kakini, Okolobia, uwę naka ñw u, kwanę! Tak ęnę ki ku lę kwanę gugu, oñ i chanę ekolai. . . .

## Jon 11:43, 44

Abu k'i f'ola-i ka, i d'omu dago ka nana, kakini, Lazaros, dufu wa. Ęnę ki ku lę la kwodufu wa, ęrewñ kpai ọwɔ-wñ ch'ęji ọkpę; ubogbo la ch'eweny'eju-wñ. Jesus ka ñwu ma kakini, Mę m'u tu ku mę t'ọ nọ k'i lo.

## Jon 10:17, 18

Tod e-kidę oñ Ata afędǫ mi, todabu k'u nad'oji-ola-mi tanę,

todu k'u nọ dabi gba gę. Ęnę du la ab'umi gba n, chai omi agedola-mi ad'u tanę. U chen'oda k'u nad'u tanę, u lañọ chen'oda k'u nadabi d'u gę. Ola ukọ kidę u gba ugbo Ata-mi.

## Ola Ebite 1:18

Kp'ęnę ki deju, u leku, ę la go, edeju nadefu t'ogbegbelę nyilewa. U la n'oma igede uku kp'ojegu.

## 1 Kɔrint 15:3, 4

Todu ejodudu ęwñ k'omi onugo gba d'ef ęwñ ejodudu k'u du ñw mę lę: kakini, Kraisti leku tod adure-wa, alu k'Otakada Ola Ojɔ ka; ka ku ma nọ m'u du jı; ka ku ma la m'owñ du kwanę ojɔ ekęta alu k'Otakada Ola Ojɔ ka.

Oloda Ekeji 5:7-21

Ę ki n'amojọ omunẹ eju-mi n.

Ę ki gbẹ ojibo ñw ọla-wẹ n, owñ ch'ewñ du ki biu ẹwñ ki d'efojale atẹ, kp'e-ki d'ilẹ ọganẹ-i, kp'e-ki d'ef omi ọganẹ ilẹ-i n; ę ki dojikanẹ ñwu ma n . . . .

Ę ki d'odu Jihofa Ojo-wẹ t'alu ado ofofo n: todū Jihofa adale ñw ẹnẹ k'i d'odu-wñ t'alu ado ofofo n.

Ę ki f'ojo uñmi de k'i fo, alu ki Jihofa Ojo-wẹ ñwa ñw ẹ. Ojo mafá ẹ nache ẹwñ-wẹ k'ę la f'ukolowẹ du che . . . .

Ę ki b'ojima m'ata-wẹ kpai iye-wẹ, alu ki Jihofa Ojo-wẹ ñwa ñw ẹ . . . .

Ę ki kp'onę n.

Ę ki la tém'oya ẹnẹ omunẹ n.

Ę ki la joji n.

Ę ki la gba ibenu olemi ny'ekejiwẹ n.

Oya ekeji-wẹ ki nyọ wẹ eju k'ę nę n; unyi ekeji-wẹ ki r'uwe ędọ n, abék uche-wñ, abék adu-wñ ẹnękélé, abék adu-wñ onobule abék ọkokunọ-wñ, abék ọkékéte-wñ, abék ẹwñ du k'ekejiwẹ nę n.

Matiu 22:37, 38

Oñ i ka ñwu ma kakini, Uwẹ ki fẹdọ Ondu Ojo-wẹ kpai ọgbọ ędọ-wẹ du kpai ọgbodudu onugo-wẹ du kpai ọgbọ ibe-wẹ du. E-ki ch'ola ukọ lile kpai e-ejodudu dẹ.

Job 34:21, 22

Todu eju-wñ t'ona ona e-onę, i ali ẹre-wñ du k'i ad'u t'anę. I n'echubi kp'ojiji uku ugbo k'amache ewñ ębięne aneke k'ola-ma maja n.

Eli Ekọ D'Qjọ 139:8 kpai 12

Ichewñ k'u natęgu ny'efojale, uwę d'omo! Ichewñ k'u f'atę-mi rę ef ojegu, go, uwę d'omo!... I chaka ch'echubi onugo i ad'ewñ maja ñwę n, anę la munę odu dab ọroka; echubi kpai uganę ch'okate ugbo wę.

1 Kɔrint 4:5

Todabęle amę ki kp'oji ajo du ọgba tak adiko-wñ jọ n, gbogbo ny'egba k' Ondu lewa, owñ lę

ad'ewñ umaja eechubi w'ugbo uganę. I aňo dohi ọla ki d'ef ędǫ onę tejugede. Egbalę tak ęnenęnenę anę uñwulǫ e-wñ kwugbo Ojo.

Jeremaya 23:24

I n'ęne k'i d'ola-wñ maja ọfiolifiọ k'omi ma li u n? Jihofa aka-i. Omi ch'ekọ efojale kp'anę ilę-i n? Jihofa aka-i.

Ita, Ita 15:3

Eju Jihofa d'ugbo du, eju-wñ ab'amenębięne kp'amenęnyo le.

Luku 8:17

Todu i n'ewñ du ki maja ki matejugede n. I la n'ewñ du ku ma du maja ku ma awe ema n k'i ma la awe ekwotejugede n.

## 22 QBATA OGBEGBELE E-I ABO KUMA MA KPĘDỌ R' OJO N

Matiu 13:41, 42

Qma Onę akp'amonushe-wñ  
uchę, taku ama ay'ewñ du k'i  
ad'onę hi kw'ojanewñ jo kp'abo  
ku ma n'ewñ ubitęre ache; ma la  
ako ma rọ jef adido una: ọmọ aku  
erọ kp'enyi elo adę.

Matiu 18:8

I la chęwñ k'owó-wę abék erek  
wę f'ę dahi m'u koda k'ę d'u  
rikpolo b'ola-wę tę; ech'enolo  
abék adere k'ę mugudu tef iñmi  
ch'omemelę ñw ę, t'e-n'owó meji  
abék erek meji ku ma la d'uwe  
rikpolo tef una e-ogbegbelę le.

I lañ o'la e-lę gbagędę m'efo-  
jale efojale kp'anęile e-fa-i kojo ñw

una, ma j'adejut'ọ tod ojo e-ajo  
kpai ojo ulenyọ e-abo ku ma ma  
kpędor'Ojo n. —2 Pita 3:7

Eli Ekọ D'Ojo 9:17

Ma ar'amenębibi da ny'ef ojegu,  
owñ ch'abo uchęichi uchęichi du  
ku ma gbenyọ Ojo.

Matiu 25:46

Abo le la akw'omọ ny'ef udu  
ogbegbelę echi; abokpakpa muda  
alo t'ef iñmi e-ogbegbelę.

Uku ekeji lę de, owñ ch' ubu  
e-una-i. I la chęwñ ku ma li ęnę du  
k'i ma ch'ekọ tefu ibuku e-iñmi n,  
ma m'u du rikpolo tef ubu e-una  
lę. —Ola Ebite 20:15

Ęwñ k'Amenukpuchę Che 17:31

Todabu k'i f'ojo-wñ datę, ojo lę i  
ache k'i kajọ ilę ugbo du k'onę  
dodo kade ef ọkpakpa lef Ęnękélé  
k'i f'u datę lę. I m'okpoko-wñ du  
ne ńw ẹnę du, abu k'i d'owñ  
kwanę kwef abo ki ku.

Mak Ondu chema k'i agba abo  
ku ma kpedor'owñ tane kwef  
ejama, i ńo chema alu k'i ale k'i  
adejutę amenuji ef udu echi tod  
ojọ e-ajo. —2 Pita 2:9

Ef e-i oñ ufedo mufu kpa ugbo  
ewa, todu k'a ki n'aju ęgbo ojo ajo,  
todu alu k'owñ lę dę, abeļe awa la  
dę ilę-i. —I Jon 4:17

Tak u li abo ki ku, t'ab e-lile  
t'abo e'kekele, ku ma dago j'ogba

ede lę; taku ma m'ibuku ibuku chi;  
oñ ma ńo m'ibuku omunę k'i  
ch'e-iňmi chi gę. Taku ma f'ajo  
abo ki ku ka kwef ęwñ ki ch'ękọ  
ref ibuku ibuku lę teju alu  
k'ukolę-ma dę. —Ola Ebitę 20:12

Oñ alu ku ma ko jo ńw amonę  
ku ma ku onu'kate, tak ubile  
ch'ajo. —Hibru 9:27

2 Korint 5:10

Todu ma ak'ochaka-wa jọ eju-  
gede ọgba ędę e-Kraisti chuu;  
todu k'enenęnenę ki gba ęwñ k'i  
che iko k'i d'ef aňola, teju alu k'i  
che, dagba i nyo, dagba i bienę.

Rom 14:12

Abelę enenęnenę-wa acholi ęwñ  
e-wñ ńw Ojo chuu.

## Rom 5:15

I muda ch'alu k'uñwananẹ lẹ dẹ oñ ele ufedø-enyø-i dẹ n. Todu ichewñ k'owø onẹ leku tod uñwananẹ ene kate lẹ, mak ufedenyø Ojo kpai ele ki d'ef ufedenyø e-Onę kate, k'owñ che Jisus Kraisti lẹ, kporanę ñw ọwø amonę tule ololo.

## Rom 9:16

Todabéle i ch'e-ene ki d'owñ edo n, i la ch'e-ene ki afule n, chai e-Ojo ki ali ejumomi onę.

## 1 Pita 5:5

... todabu k'Ojo ako b'abo ku ma hi ọla-ma ne, i muda adu ufedenyø ñw abo ku ma hi ọla-ma wanę.

## 2 Kɔrint 8:9

Todu ame chema ufedenyø e-Ondu-wa Jisus Kraist, kakini, Abu k'i chaka ch'anana, todu mè i mud ẹnale, todu k'amè ki mud anana lef alewñ lẹ.

## 2 Kɔrint 9:15

Ugwa ki ch'e-Ojo tod ele-wñ ki ma jẹ ka n lẹ.

## Ewñ k'Amenukpuchẹ Che 4:33

Oñ amenukpuchẹ n'ukpahiu nana agb'udajikwanę Ondu Jisus ibenu; ufedenyø lile b'ochaka-ma ma.

Todu k'abu k'ufedenyø-wñ f'ale da ñw a k'a ki mud abo ku ma jẹ ewñ ogu lẹ teju ibe ekono e-iñmi ogbegbelẹ. —Taitos 3:7

**Ewñ k'Amenukpuché Che 2:38**

Ôñ Pita ka ñw ma kakini, Më ribeda, k'enenenené-më ki nache baptism ef odu Jisusi Kraisti, ku ma t'adure-më noj taku më agb'Afu Kiafø ele.

**2 Korint 7:10**

Todu ędodudu ki ch'eju-wñ ñw ene Ojo achukolò ibe erida tef ujadu, e-lę n'ejumama n; ędodudu ile-i la achukolò uku.

**Matiu 3:2**

I kakini, Më ribeda, todu ojané e-efojale mér'owó më.

**Luku 15:7 kpai 10**

Naka ñwu më kakini, Abele uyo adę efojale noj ənadure'ka k'i ribeda, t'e-k'i dę noj aménokpa-

kpa ɔgbọ mélé nyoke mégwëla k'eku ibe-erida ma ku ma n le.... Abele, naka ñwu më, uyo awatę eju amonuche Ojo noj ənadure'ka k'i aribeda.

**Ewñ k'Amenukpuché Che 17:30**

Todulę abu k'Ojo f'eju kp'iko ubodou kidę bo, fa-i i aka ñw amonę du ugbo du ku ma ribeda.

**Luku 13:3**

Oda! naka ñwu më; ama ichewñ ku më ma ribeda n, ɔchaka-më alenyö dab ama.

**Ewñ k'Amenukpuché Che 3:19**

Todulę më naribeda, më ki la rida tọ k'ama ki f'adure-më kpalu, todu k'iko iko ọla eruko ki kw'ogba Ondu wa.

Matiu 6:14

Todu ichewñ ku më t'uñwananë amonë nö ñwu ma, Ata-më e-efojale n'at'e-më nö ñwu më gë.

Izikiel 18:21

I muda chewñ k'ènèbibi murida b'ewñ adure du k'i che te, k'i la f'ewñ uhiomë-mi du de, k'i la ache ewñ ki ch' eju oda kp'ewñ ɔkpakpa, edeju i adeju chuu, iaku n.

Ola Ebité 3:20

Go, u dago alugbôna oñ nad'owó k'ona; ichewñ k'ènè du gb'omukola-mi ki lañø m'ona bi, naw' ejefu ugbo-wñ oñ najë ewñ kp'owñ, owñ la aj'ewñ kp'omi.

Aizaya 55:7

Ènèbiènè ki hi'ona-wñ tinyo, ènè ibetë ki nahi'ibe-wñ ki akpë lë tinyo gë; k'i mudabi abo Jihofa k'i ali owñ ejumomi, kpai t'ugbo Ojowa, todú i ahika t'ola nö tabale.

Ewñ k'Aménupuché Che 5:31

Ójo n'owó-wñ awoto m'owñ lë dudago k'i mud Uchané kp'Enajadu, k'i d'ibe erida k'adure etono ñw abo Israël.

Mark 2:5

Qñ abu ku Jisus li ẹdø ku ma kon'o, i ka ñw ẹnoga ekutola lë kakini, Qma, ma t'adurę-wę nö më.

Taitos 2:11, 12

Todu ufedo-entyo e-Ojo k'i ane ujadu wa nw ene du kwotejugede me, i n'ako wa, todu k'awa ki raire ewn du ki ma kpedor'Ojo n kpai ento ewn ile eche, k'a ki deju j'ef okpanachi ki de abajoy-i kpai ibe ki waney kp'ef okpakpa kp'ekpedor'Ojo.

Kolose 3:2

Ibe-me ki kad'ewn ki d'atę, i ki kado ewn oj ane-ile-i n.

Rom 12:1, 2

Todule amomaye, nagbokob' umę, tod ejumomi-wa k'Ojo li, ame ki m'añola-me kojo nw Ojo k'i ch'ewn ichebö ki deju k'i afö k'i ny'o eju, ucholo ku me n'ibe ache

dę. Me ki che ku me dab abo okpanachi-i eju onę n, ama ibe-me ki d'etito alo waa k'i r'umę da ooji, k'amę ki nañwa ewn ki d'Ojo edo, k'i ny'o k'i ño ny'o eju, k'i la mufu kpa, go ka k'omemelę i che.

Efesus 5:11

Me ki we etuta kp'ukolo echubi ki ma ne ero n le, chai edu bi oñ me d'e-le bi ma.

1 Jon 2:15, 16

Me we efedo ile kp'ewn ki j'ilę-i. Ichewn k'ene'ka afedo ile-i, mak ufedo Ata d'ef ene le n. Todu ewn du ki j'ilę, t'enyo ewn orela t'ewn k'ejу ach' ento-wn kp'ewn eke ofo ile-i, Ata ch'ete-wn n, chai ile-i ch'ete-wn.

Izikiel 36:26

Naño d'edo etitọ ñwu mē. Oñ nad'afu etitọ t'umē efu; u la ad'edo okuta lē b'ef ɔrəla-mē tē, oñ nad'edo ɔrəla ñwu mē.

1 Jon 2:29

Ichewn̄ ku mē ma ka k'owñ ch'enokpakpa, mak amē chema ka k'enē du k'i ch'ache ewan̄ okpakpa, owñ lē ch'ete-wñ ku ma f'u bi.

Todabéle ichewn̄ k'enē du d'efu Kraist, enyi k'Ojo nyi'i etitọ i che: ewñ igbele lale rinyo; mē go, i mud etitọ.

—2 Korint 5:17

1 Jon 5:18

A chema ka k'enē du ku ma bi k'ete-wñ ch'Ojo adure ño dure n,

ama enē ku ma bi k'ete-wñ ch'Ojo, Ojo ade enē lē, oñ enebibi la neke dōwokad'o n.

Jon 3:3

Jesus dohi ñw u kakini, Ami, ami, naka ñw ẹ kakini, Ichewn̄ ku ma ma bi onē etitọ n i neke li ojanē Ojo n.

1 Pita 1:23

Abu ku ma ma f'umē bi etitọ kwef ugbe k'iache n, chai kwef e-ki ma achē n, lef ɔlOjo k'i deju ki adomō pioo.

Jon 10:10

Ajoji awa ofo n, chai todū k'i joji, k'i la f'ewñ kpa, k'i ño kp'ewñ bię; omi lewa todū ku ma ki n'iñmi, ku ma ki n'ę ololo.

## Efesus 2:1 kpai 6

Tak amẹ, abu ku mẹ leku tẹ ef uñwananẹ kpai adure-mẹ, . . . Oñ i che k'a b'owñ dajikwanẹ k'a la b'owñ gugu ef uña efojale efu Kraist Jisus.

## Kolose 3:1-4

Todulẹ ichewñ ku ma m'umẹ ko kwanẹ kpai Kraist, mẹ nafeju ẹwñ ki d'atẹ ugbo ku Kraist k'i gugu owo awoto Ojo dẹ. Ibe-mẹ ki kad'ewñ ki d'atẹ, i ki kado ẹwñ oj anẹ-ile-i n. Todu amẹ leku, oñ iñmi-mẹ maja kpai Kraist ef Ojo. Egba du ku Kraist k'i ch'iñmi-wa lẹ kwotejugede, ẹgbalẹ amẹ ñ'ate-jugede kpai owñ ef ojima.

## 1 Pita 2:24

Owñ onugo la k'adure-wa ef aña-ola-wñ t'ojojoli le, todū k'abu k'a leku ñw adure k'a ki deju ñw okpakpa. Lugbo egwenunu ku ma f'owñ gwenunu ọgawa takpa.

## Galatia 5:24

Oñ abo Kraist Jisus f'oręla kp'udolaga-wñ kp'ęño ẹwñ ki ache kamoli mẹ.

## Rom 6:2 kpai 11

Awa k'a leku ñw adure, ab a ale k'a ñ adeju ef uwñ abajo-itá? . . . Abele amẹ ki naf'ola-mẹ lor'ef abo ki ku ñw adure, ku mẹ la adeju ñw Ojo efu Kraisti Jisus.

# IÑMI OGBEGBELE

## Galatia 6:8

Todu ẹnẹ ki agbẹ ẹwñ ñw ọrẹla-wñ onugo ak'ewñ ẹchẹ kwef ọrẹla-wñ w'unyi, ẹnẹ k'i muda agbẹ ñw Afu ak'iñmi ogbegbelẹ kwef Afu w'unyi.

## Jon 3:14, 15

Alu ku Mosés d'eojo lẹ dago ajẹtachi lẹ abeļẹ ma adu Qma Onẹ dago tila, todū k'ẹnẹ du k'i akédono k'i n'iñmi ogbegbelẹ ef uwñ.

## Jon 17:3

Ewñ ki la ch'iñmi ogbegbelẹ lẹ dẹ, todū k'ama ki m'uwe kuwẹ kate chQjọ ogbolo, kp'ẹnẹ k'ẹ kpẹ wa lẹ-owñ che Jisus Kraist.

## Jon 3:36

Enẹ ki akédon'Qma le f'iñmi ogbegbelẹ nẹ mẹ; ama ẹnẹ ki ma agb'ola Qma lẹ gbọ na ali iñmi n, uwèdò Qjọ muda gugu oji-wñ.

## Rom 6:23

Todu urọmẹ adure ch'uku; ele ufédényo e-Qjọ muda ch'iñmi ogbegbelẹ efu Kraisti Jisus Onduwa.

## Jon 5:24

Ami, ami, naka ñwu mẹ kakini, Enẹ ki agb'ola-mi k'i lañó kẹ-donola ẹnẹ ki kpẹ mi wa f'iñmi ogbegbelẹ nẹ mẹ, i ñ'aw'ef ajo gẹ n, i muda kw'ef uku lale tef iñmi mẹ.

Aizaya 32:17

Ukolø ɔkpakpa la ach'uredo,  
ɔkpakpa lè anyi egu yøø kpai edo  
ekono ogbegbelø.

On abu ku me ch'amøga oma.  
Ojo f'Afu Qma-wñ kpuchø dufu  
t'ef edo-wa, i nakwa kakini, Ada,  
Ata.

—Galatia 4:6

Jon 14:21

Enø ki n'øla ukø-mi k'i la ade-  
jut'o, enø le ch'enø ki afedo mi; on  
enø ki afedo mi, Ata-mi afedo-wñ,  
tak omi afedo-wñ, nañø d'øla-mi  
onugo tejugede ñw u.

1 Jon 5:11-13

Ibenu lè la dø kakini, Ojo d'iñmi  
ogbegbelø ñw a, iñmi lè la d'ef  
Qma-wñ. An'Qma lè f'iñmi

ogbegbelø ne me, enø ki ma n'Qma  
Ojo n n'iñmi n. U f'ewñ-i kø r'umø  
todu k'amø ki ma ka k'amø f'iñmi  
ogbegbelø ne me, owñ ch'amø  
amakedøn'odu Qma Ojo.

Rom 8:16

Afu lè onugo ab'afu e-wa gbibe-  
nu ka k'a ch' amøma Ojo.

1 Jon 3:18, 19

Amøma-mi, awa ki n'ukølo  
kp'ukpalu ofofo fedø n, chai ukølo  
kp'ochochi. Ef e-lè on a ama ka  
k'ochochi ch' ete-wa, on a ajø ñw  
edo-wa ch'okpoko ogba-wñ.

1 Jon 4:13

Ef e-i on a ma ka k'a gugu ef  
uwñ k'owñ la d'ef uwa, owñ  
ch'ugbo Afuwñ k'i mudu ñw a lè.

Jon 17:13

Fa-i naw'ugbo we; oñ nakola  
ewñ kidę ef ile-i todu ku ma ki  
n'uyq-mi k'i ch' ekö efu-ma.

Rom 14:17

Todu ojanę Ojo ch'ewñ eję kpai  
eñmọ n, chai ɔkpakpa kpai urędö  
kpai uyq ef Afu Kiafö.

Jon 15:11

U k' ola ewñ kidę ñwu mę todü  
k'uyq-mi ki nad'ef umę, k'uyq  
e-mę lę ki la nyq kpa.

Aizaya 12:3

Todulę amę an'uyq akpa omi  
kwef obuga ujadu.

Galatia 2:20

Ma f'umi kamoli manyu  
Kraisti; i la ch'omi ño deju-i gę n,

chai Kraist deju ef umi: oñ edeju  
k'u nadefu ef añola fai, nadefu ef  
edö-ekono e-Qma Ojo k'i afedö mi  
k'i lañq m'ola-wñ onugo du chele  
todu mi.

Jon 16:22 kpai 24

Todulę amę la chen'edodudu fa-  
i mana; u muda adabi ali mę gę,  
tak edö-mę ayq, enę du la adu uyq-  
mę kwugbo mę n. . . . Gbogbo  
w'ifa-i mę bi ewñ du ef odu-mi ta  
n, mę bi, mę la agba, todü k'uyq-  
mę ki ch'ekefu.

Eli Ekö D'Ojo 16:11

Uwę ad'ona iñmi ña mi; ugbo  
k'ę dę omę uyq kpékö, ewñ ubędö  
j'owę awotö-wę ogbegbele.

## 1 Samiuél 12:15

Ama ichewñ ku mè ma gbo omu Jihofa n, ku mè la lañu r'ola alu Jihofa, ẹgbalé ọwọ Jihofa ach'agwunyu mè alu k'i gwuny'a-mata-mè.

## Rom 6:16

Amè ma kakini, Enè ku mè k'ola-mè ch'adu jo ñw u ku mè gb'ola-wñ gbo, i ch'adu enè ku mè gb'ola-wñ gbo lè mè che n? dagba i ch'e-adure tef uku, dagba i ch'e-ugbagbo tef ọkpakpa?

## 2 Téselonaika 1:7-9

K'i lañq d'uñmi ñw amè, ku ma d'obata ñwu mè lè, many'awa ef ebitè ku ma abi Ondu Jesus té

kw' efojale, many'amonuché-wñ e-ukpahiu, ef una ki adogò. I ad'aché ena wa ab'abo ku ma ma m'Ojo n kpai abo ku ma ma la gb'ola Uchenyo Ondu-wa Jesus gbo n oji ma. Abo lè ach'udu-wñ, owñ ch'ekpabiè b'eju Ondu kp'eb'ugbo ojima e-ugbiti-wñ té ogbegbele.

## Oloda Ekeji 11:26-28

Go, enyø kpai ama oñ omi ako jø ñwu mè eñini-i: ichewñ ku mè gb'ukø ukø Jihofa Ojo-mè k'u nañwa ñwu mè eñini-i gbo, mak enyø i che, i muda chewñ k'amè ma gb'ukø ukø Jihofa Ojo-mè gbo n, k'amè la muna b'ona k'u nañwa ñwu mè eñini-i té . . .

K'ukpalu du ki la agbalu kakini  
Jisus Kraist che Ondu tod ojima  
Qjo Ata.

—Filipai 2:11

Todulę, ẹnẹ du k'i agbalu mi eju  
amone, omi ñ'agbalu ẹnẹ lę eju  
Ata-mi k'i d'efojale gę. Ẹnẹ du k'i  
la araire mi eju amone, omi  
ñ'arairę ẹnẹ lę eju Ata-mi k'i d'efo-  
jale gę.

—Matiu 10:32, 33

Enę du ki la araire Qma n'Ata n  
duu; ẹnę ki agbalu Qma ño f'Ata  
nę mę ge.

—1 Jón 2:23

Rom 10:9, 10

Kakini, Ichęwń k'ę n'alu-wę aję  
ka ki Jisus ch' Ondu, k'ę la  
kędono ef ędǫ-wę kakini, Qjo  
m'owń du dajikwanę kwef abo ki  
ku mę, ma ajadu wę; todu ędǫ oń

one akono tef okpakpa, oń alu ma  
nę ję tef ujadu.

Luku 9:26

Todu ẹnę du k'i achanyo mi  
kpai ọla-mi, Qma Qnę achanyo  
enę lę ęgba k'i lewa ef ojima e-wń  
kpai e-Ata kp'e-amonuchę kiafo.

2 Timoti 2:11 kpai 12

Ola ku ma kędono i che kakini,  
Todu ichęwń k'a b'ọ ku, mak' a  
ñab'ọ deju gę. Ichęwń k'a fędǫ  
lichii, mak a ñab'ọ j'onu ge.  
Ichęwń k'a ar'aire, owń lę ñ'ar'  
aire-wa gę.

Ef e-i oń amę ama Afu Qjo: afu  
du ki agbalu ka ki Jisus Kraisti  
lewa ef ọręla mę, mak ętę-wń  
ch'Qjo.

—1 Jón 4:2

Eju-mẹ ki cheferanę, mę gwékę adide: ἐνολαμε, Abulumonę lę, dab idu ki akola, i tale afeju ἐνε k'i adu mi.

—1 Pita 5:8

Matiu 4:1 kpai 10, 11

Egbalę Afu m'iJisus du le tef ajetachi k'Abulumonę ki j'ọ ma.... Egbalę Jisus ka ñw u kakini, Lo wę, Setan! todū i chékotanę kakini, Ondu, Ojo-wę, oñ uwę adojikanę ñw u, owń kate oñ uwę ache. Egbalę Abulumonę t'owń nō; mę la go, amonuchę Ojo mutewa ache ewan̄ ñw u.

2 Tęselonaika 2:9

Owń lę k'ewa e-wń teju ukolo ku Setan ache ef ukpahiu kp'uijiwe kp' unę olemi ojoji du.

Efesus 6:11

Mę nak'ewń ogu Ojo chakan'y'ola, ku mę n'ukpahiu eb'u-gbeleke e-Abulumonę lę jo.

Ewń k'Amenukpuchę Che 26:18

K'ę m'uma eju chi k'ama ki rida kwef echubi tef uganę kpai kwef ọda Setan tugbo Ojo, ku ma gba ut'adure nō kp'ukpę ewń ogu ef abo ku ma fọ lugbo ẹdọ ekono ki d'ef umi.

2 Kɔrint 2:11

Todęgba ku Setan ach' uwa ję: todū a chugbodu ibe-wń n.

2 Kɔrint 10:4

Todū idona ewan̄ ogu-wa ch' ewń ɔręla n, ukpahiu Ojo muda d'ef uwń ki akp'odọ okuta fọ wanę.

## 2 Tesselonaika 2:8

Tak ẹgba lẹ ma abi ẹnugbitere  
lẹ tẹ, e-k' Ondu Jisus an'afu alu-  
wñ lię manę, k'i n'an'etejugede  
ewa-wñ f'u gbogili tẹ.

## Jeməs 4:7, 8

Todulę mę naf'ola-mę kamuhitę  
ñw Ojọ; mę ki muda dago  
b'Abulumonę tak i ara b'umę tẹ.  
Mę témér'Ojọ tak owń atémérę  
mę....

## Hibru 2:14

Todulę abu k'abimotọ lę  
n'utama ata ef ẹbię kp'oręla, owń  
onugo nō b'uma manany'ewń lę  
pitii abeļę gę; todu k'i f'ęnę ki  
n'oda uku gbogili tẹ lef uku, owń  
ch'Abulumonę lę.

## Rom 8:35 kpai 37

Enę ada wa kpai ufędọ Kraisti  
ru taa? Obata? abék uwa? abék  
udoli? abék ukpota? abék agoofo?  
abék ęwń ubailo? abék ugba-  
da?... Ama ef ęwń-i du awa adu,  
adu nō du lef ęnę ki fędọ wa lę.

## 1 Jon 3:8

Etę ache ęwń adure ch'A-  
bulumonę; todu Abulumonę tēta-  
dure kw'abakwanę. Todulę oń  
Oma Ojọ kwotejugede, owń  
ch'utodu k'i m' ukolę Abulumonę  
tu.

Oń ęgba du k'amafu ki ma  
děhiolo n, g'o, ma fianę ögławń,  
ma kwukwa kakini, Uwę ch'Oma  
Ojọ.

—Mark 3:11

## 1 Jòn 4:20

Ichewñ k'enę'ka kakini, Nafedo  
Ojo, k'i la n'ulaka ọmaye-wñ ache,  
i ch'aremi; todu enę ki ma afedo  
omaye-wñ k'ejuwñ ali n neke fedo  
Ojo k'i ma li n in.

## Galatia 5:22, 23

Ero e-Afu muda ch'ufedo  
kp'uyø kp'uredo kp'edo-eje  
kp'umola kp'enyo kp'echubi onę  
kp'uchikimi kp'ef'owø m' ọla  
nę....

## 1 Kɔrint 13:1

Ichewñ k'u n'ichi ichi amonę  
kpai e-amonuchę Ojo akola, k'u  
ma la n'ufedo n, u mud udę ki  
akola kiñ kiñ kiñ abék agogo ki  
akola goñ goñ goñ ọfo.

## Jòn 13:35

Ef e-kidę oñ amonę du ama ka  
k'amę ch'amakochemi, ichewñ ku  
mę nę ufedo kp'omunę.

## Jòn 21:16

I dabi ka nw u onu ekeji kakini,  
Saimon, oma Jòn, e fedo mi? I ka  
nw u kakini, I-i, Ondu, e chema ka  
k'u nachedo we. I ka nw u kakini,  
Dejut'amala-mi.

Todu ęwñ ki ch'ufedo Ojo de,  
k'a ki de ukø-wñ. Ukø-wñ la woji  
n.

—1 Jòn 5:3

## 1 Jòn 3:14

Awa chema ka k'a kw'ef uku le  
tef iñmi todabu k'a afedo amo  
maye. Enę ki ma ch'enufedo n  
gugu ef uku ta.

Ęwń k'Amęnukpuchę Che 10:39-41

Awa la ch' amenibenu ęwń du k'i che t'e-k'i che oj anę amaju kp'e-Jerusalém; owń ch' ęnę ku ma nō mudu kpa lokołi oj oli lę. Owń lę Ojo mudu kwanę ojó ekęta-wń, oñ i du ńw u k'i kwotę-jugede, i ch'ugbo ochaka amonę n, chai ugbo amenibenu k'Ojo chi ma tanę, owń ch'awa, k'a b'o j'ujewń k'a la b'o nmo abu k'i mudajikwanę kwef abo ki ku.

Jon 20:26-28

Abu k'ojø mejø lale amakochę-wń nō dabi j'ejefu, Tomas la d'ugbo ma. Abu k'ona ch'ere Jisus lewa oñ i dago aluméji, tak i

kakini, Urędö ki ch'e-mę. Tak i ka ńwu Tomas kakini, D'omowę-wę w'emı, k'ę go ọwọ-mi; e ki nō d'owo-wę wa k'ę d'u tuny'akolo-mi; e ki la mud ęnę kiako ękędono n, chai ęnę ki akędono. Tomas dohi oñ i ka ńw u kakini, Ondu-mi kp'Ojo-mi.

Rom 4:25

Owń ku ma mudu ńwu ma mu lef uńwananę-wa, ku ma la m'u du kwanę lef ale ku ma da ńw a.

Mark 16:9

Egba k'i kwanę odudu odudu ojø ejodudu ef ojø mebie, i tegude ńwu Meri Magdalini ejodudu, owń ch'ęnę k'i f'amebili mebie ne kwef uwń dufu lę.

Matiu 16:21

Akw'egbale Jisus chane eña amakọche-wñ ka k'enyi Jerusalém ewñ n'echi n, k'i ali uwa nana ọwọ abogijo kp'owọ amagboji amatama kp'amakọta-kada, k'ekpa ma akpa, taku ma ñ'ad'u kwanę ojo ẹketa-wñ.

Jon 5:25 kpai 28, 29

Ami, ami, naka ñwu mè kakini, Adiko auwa-wñ awa, owñ lè la ch'ifa-i, owñ ch'egba k'abo ki ku agbọ omukọla Qma Ojo; abo ku ma la gbọ adeju. . . . Mè ki yaye ewñ-i n; todu adiko awa ẹgba k'abo du ku ma j'ef oji agbọ omukọla-wñ, ma ñ'adufu wa; abo

ku ma tētach'ewñ ki nyọ atef udajikwanę e-iñmi, abo ku ma tētache ewñ ibetẹ atef udajikwanę e-ajọ.

Rom 6:3-5

Abék amẹ ma ka k'ochaka wa ku ma che wa baptism t'efu Kraisti Jisus i ch'ef uku-wñ ma che wa t'o n? Oñ ma f'awa kpai owñ ji lefu baptism tef uku, todu k' alu ku ma mu Kraisti du da-jikwanę kwef abo ki ku lef ojima Ata lè, abeļẹ k'awa ki ñọ tale ef e-etitọ e-iñmi. Todu ichewñ k'awa kpai owñ mud abo ki dama okate ef ewñ ki bi uku-wñ, mak abeļẹ a la adę ef udajikwanę-wñ ge.

## Luku 1:74, 75

Ka k'abu ku ma m'uwa gba tanẹ kwef ọwọ amẹnebi-wa, owñ adu ñw a k'a we erailo k'a che owñ. Ef efo k'ewñ afọ kpai okpakpa ọgpakpa ọgba-wñ ọjọ du k'a deju kade.

## 2 Kɔrint 7:1

Todulẹ amenufedo, abu k'a ne ọla ukatanẹ kidę a ki che k'a fẹ b'ekpabię oręla kp'e-afu du tẹ, a ki che k'efo ki kpoji ef ailo ọjọ era.

## 2 Timoti 2:21

Todulę iche-wñ k'enę du f'ola-wñ gwę hiolo b'eubianę lę tẹ mak i ach'ewñ eku tod ewñ ojima, i afọ, k'i an'eku ñw odu-wñ k'i ch'enwoche tẹ tod ukolọ ẹnyo du.

## 1 Pita 1:2

Owñ ch'abo k'Ojo Ata chi ma likpa alu k'i f'ewñ du ma tanę ef efọ e-Afu, k'amẹ ki gb'ola Jisusi Kraisti gbo, k'ebię-wñ ki natafi umę ọla. Ufedorę ọjọ kp'urędọ ki d'ugbo mę. I ki nana nyogba.

## 1 Pita 1:15

Amę ki la'mud abo kiafọ ef ewñ du ku mę jọ ache, alu k'enę k'i dọ mę afọ lę.

## 2 Timoti 2:15

E nan'edo-chacha k'e d'ola-wę tẹ ñw Ojo k'e ch'enę ku ma f'u ñwa k'i nyo, k'e ch'enukolọ k'e ma n'ugbo k'e chanyo n, k'e f'ona ọkpakpa da ef Ola Ochochi.

Ikpadalə ad'anomə kp'ona, oñ ma ad'odu-wñ kọ Qna eefo: abo k'ola-ma daji ale oji-wñ n, i muda ch'utodu abo-i; abelona ala ej ɔna lẹ n, dagba ma chaka ch'ameni-dada.

—Aizaya 35:8

Hibru 13:12

Lef e-kidę Jisus onugo f'uwa li ejododa ala lẹ, todū k'i che k'amone lẹ ki fo, lef əbię e-wñ.

1 Jon 1:9

Ichewñ k'a agbalu adure-wa, oñ ch'enukedono kp'enokpakpa todū k'i t'adure no ñw a, k'i ño gwę wa b'ewñ uji du tẹ.

Omi ache mè baptism ef omiofo tef ibe erida, mana. Iñmi Ènẹ ki muda d'ubi-mi awa chet'e-mi le, u

beb'eda erek-wñ jø k'u nanę n. Oñ lẹache mè baptism ef Afu Kiafo kp'una.

—Matiu 3:11

Efesus 1:4

Alu k'i ño chi wa tanę ef uwñ ogba taku ma kp'erek ilę-i k'awa ki ch'abo kiafo k'a we en'enyolo ogba-wñ ef ufedo.

Efesus 4:24

Ku mè lañq m'onę etitę omunę lę dutola, oñ ch'e-ku ma nyi teju alu k'Qjo dę ef ɔkpakpa kpai efo e-ochochi.

2 Pita 3:11

Abu k'ewñ-i chaka ayo abele, ego onę ewñ i dukpę k'amę ki che ef ejø k'amę jø-iache ewñ kiafo kp'ekpedor'Qjo?

Luku 11:13

Todulę ichewn k'amę ku mę ch'amenębibi chema alu ku mę ad'ewn ki nyö che amoma-mę ele, onu monu oñ Ata ki d'efojale ad'Afu Kiafo che abo ku ma bi own ele tule taa?

Ewñ k'Amenukpuchę Che 1:8

Mę muda agba ukpahiu ęgba k'Afu Kiafo lewa b'umę ma, tak amę ach'amenibenu-mi . . . .

Ewñ k'Amenukpuchę Che 13:52

Amakochę lę la ch'ekö ñw uyo kpai Afu Kiafo.

Ewñ k'Amenukpuchę Che 4:31

Tak abu ma f'okö-ma gba b'o, uña ugbo ku ma wa j'ef uwñ lę

kwomiejo; tak Afu Kiafo chek'ef uma chaka, oñ ma n'ejü ęgbo ak'olQjo.

Izikiel 36:27

Tak u nad'Afue-mi t'umę efu, k'u naję ñw mę lulę ef uhiomemë, tak amę ade oji ajo-mi ọkpakpa ku mę che teju-wñ.

Rom 8:9

Amę muda j'ef ɔrela n, chai ef Afu, abu k' Afu Qjo dodo ef umę. I la chewn k' enę du ma n'Afu Kraisti n, enę lę ch' enę-wñ n.

Ewñ k'Amenukpuchę Che 11:24

Todu own ch'enekelę ki nyö, i la chekö ñw Afu Kiafo kpai ędœ-kono. Abele ọwo amonę elile kwomanyu ñw Ondu.

Eli Eko D'Qo 34:18

Jihofa m'er'abo k'edo-ma ch'ewnkpabię, i la ajadu abo k'ewnku ma che akwoubi awo ma gbali.

Aizaya 66:2

Owo-mi f'ewn-i du che, abeļe oñ ewn-i du wajo, Jihofa ka-i. Ène k'omi muda akejur'u dę, oñ ch'enobata kpai ènè k'edowñ mukpabię, k'ola-mi ję ñw ọla-wñ agagogodo.

Eli Eko D'Qo 37:3

Kedono Jihofa, k'ę la che ewnentyo; dodo anę-i, echubi Qo ki ch'okije-wę.

1 Pita 4:12, 13

Amenufedo, una ki w'ef umę k'i j'umę ma lę ki ch'ewn ugoju eju-

mę n, i ch'ewn ugoju kereb'umę lę n. Ama dabalu k'amę j'atuta ef uwa Kraisti lę, mę nayo; todū k'amę ki nq n'ugwoguyo ayo ef ebitę e-ojima-wn.

Ola Ebitę 21:4

I la ali omi aku du b'uma eju tę; uku n'a domo ge n; abek edaido, abek akuerę, abek iwę adomo ge n; ewn ejodudu lę lale rinyo mę.

Mark 9:23

Oñ Jisus ka ñw u, kakini, Èneke k'ę ka-i fa? Èwn du j'ache ñw ene ki akedono.

Matiu 6:33

Mę ki la feju Ojanę e-wn kp'okpakpa-wn ejodudu, taku ma ak'ewn lę du many'u ñwu mę.

# 44 UGBALU TANÉ ÑWABO KU MA DEFAJAMA

Hibru 2:18

Todu abu k'owñ f'uwa li ef ajama ku ma j'owñ ma, i neke tēko abo ku ma aj'uma ma gę.

Rom 16:20

Oñ Qjo euređo la akpi Setan fo ef erek-mę ofejei, Ufedenyo Onduwa Jisusi Kraisti ki d'ugbo mę.

Eli Eko D'Qjo 34:19

Ewñ bięne ki akereb'ęnokpakpa chewewe; Jihofa muda agb'o kwef e-le chaka.

Aizaya 43:2

Egba k'ę le gu ef omi omi du nad' ugbo-wę; kpai egba k'ę le gu ef ohimini ohimini du, i al'uwe oji n; egba k'ę le gu ef una du, i agu uwę jo n, ögö-wñ la am'uwe n.

A la chema kakini, Ewñ du kpere ach'ukoło k'i anyo ñw abo ku ma afedo Qjo, owñ ch'abo ku ma f'uma dō alu k'i ñw'ibe e-wñ tané.

—Rom 8:28

1 Kɔrint 10:13

Ajama du w'ola-mę t'e-k'onę tetalı le n; Qjo ch'achubi onę, owñ aje ñw ma j'umę ma t'e-ku mę n' ukpahiu-wñ le n; i aňo ch'okpa edufu tę many'ajama lę ku mę neke n'aduwñ.

Enékélé k'i afedolichi ugbo ejama ku ma aj'owñ ma, gbede. Todu egba du ku ma f'u ñwago k'i nyö kpa, i agba uloko e-iñmi, e-k'i kola-wñ tané ñw abo ku ma afedo owñ.

—Jemes 1:12

## Ola Ebitę 3:12

Enę k'i du, nad'u ch'oli ubogaga ef unyi Ojọ-mi ejefu. I la n'ugbo du k'i adufu ny'ododa ge n. Oñ nak'odu Ojọ-mi kp'odu ewo Ojọ-mi Jérusalém Etito k'i agworu kw'efojale ugbo Ojọ-mi awa, ny'ola-wñ, kp'odu-mi etito ge.

## Ola Ebitę 3:5

Abelę ma ak'ewñ ọla efufu b'ola enę k'i adu ma, i la n'ugbo du k'u nakp'odu-wñ lu b'ef ibuku iñmi tẹn, oñ nagbalu odu-wñ ọgba Atami kp'ogba amonuchẹ-wñ.

## Ola Ebitę 3:21

Enę ki du nadu ñw u k'i guguane kp'omi oj edemi, alu

k'omi onugo du tak u guguane kp'Ata-mi oj ede-wñ.

## Ola Ebitę 21:7

Enę ki du aję ẹwñ-i ogu, oñ nach'Ojọ ñw owñ, tak owñ achoma ñw mi.

## Ola Ebitę 2:7

Enę ki n'eti k'i nagb'ewñ k' Afu aka ñw ujeju ujeju abudo Ondu-i. Enę ki f'u du nad'ero oli e-iñmi k'i d'efu Paradais e-Ojọ ñw u je.

Enę ki n'eti ki nagb'ewñ k' Afu aka ñw ujeju ujeju abudo Ondu-i. Enę k'i du, nadu mana ki maja lẹ ñw u, tak u nad'okuta efufu ñw u, odu etito k'enę du ma ma n, chai enę k'i gba lẹ la ch'ekọ t'ọla okuta lẹ.

—Ola Ebitę 2:17

# OJQ KOLA NW WA LUGBO EDARU OKQ NW'QYA

1 Korint 7:10, 11

U la ka nw abo ku ma n'oya, i muda ch'omi n, chai Ondu, kakini, Qya ki kwo b'okq-wñ tñ n. (Ama ichë wñk'i la kwo b'o tñ i ki we en'okq, chokponi k'i dabi n'ola-wñ ru nw okowñ); okq ki la d'oya-wñ tinyø ni ge.

Rom 7:2, 3

Todu oloda f'onobulé ki n'okq jimany'okq-wñ gbogbo abu k'i deju; i muda chewñ k'okq-wñ leku, oloda e-okq-i gbogili tñ nw u më. Todulé, ichewñ k'i f'enekelé omuné në abu k'okq-wñ deju, ma ahi owñ odu kq ajokq; ama ichewñ

k'okq-wñ leku, i kwotané b'owq oloda lë tñ më, oñ i ma nq ch'ajokq n, dagba i chaka n'okq omuné.

Luku 16:18

Ené du k'i akq oya-wñ k'i la f'omuné në, oya oné i atene lë; oñ ené k'i la ané e-ku ma kq, oya oné i atene-i ge.

Matiu 5:32

Omi muda ka nwu më kakini, Ené du k'i ad'oya-wñ tinyø, ki ma ch'utodu abutabu-wñ n, mak owñ ch'ewñ k'i ajokq. Ené du k'i la gb'ené ku ma du tinyø ch'oya, oya oné i tem'q lë.

**Jon 14:3**

I la chewñ k'u le k'u ñw'uña che tanę ñwu mè, nadabi wa gę, oñ nam'umę gba w'ugbo mi onugo; todu k'ugbo k'omi dę k'amę ki ño jọ kpofo.

**Ola Ebite 3:11**

Nawa piopio; gwony'ewñ k'ę nę lę, todu k'enę du ki we egb'ę uloko.

**Jemès 5:8**

Amę ki ño jędę gę. Mę nahi edomę ęre nyanę; todabu k'ewa Ondu merowo mè.

**Mark 8:38**

Todu ęnę du ki achanyo mi kpai ola-mi ef ögba amajoko kpai adure kidę-i, Qma Onę ñ'achanyo

ęnę lę egba k'i awa ef ojima Atawñ many'amonuchę kiafо.

**Matiu 24:30**

Tak egba lę ujiwe Qma Onę atejugede efojale; iko lę amolopu anę ilę-i du ak'owę fi'edę-ma ma la ali Qma Onę k'i awa oj akpa ojale; ukpahiu kpai ojima lile la ad'ubi-wñ.

**Matiu 24:27**

Todu alu k'omamanya akw'owę olodudu k'i ada gbogbo ny'olanę, abęle ewa Qma Onę adę.

**Matiu 25:31**

Abęle egba du k'Qma Onę lewa ef ojima-wñ kpai amonuchę-wñ du ubi-wñ, egba lę i agugu oj ede ojima-wñ.

**1 Jòn 3:2**

**Amenufèdò, fai a ch'amoma Qò  
me; alu k'a la adè ejogba tejugede  
ta n, a chema ka k'owñ kwoteju-  
gede a adab owñ, ukpè k'a ali owñ  
alu k'i dè.**

**Ola Ebitè 16:15**

**Ené ki agwékè adide, k'i la ade-  
jut'ewñ ọla-wñ agbede, todù k'i  
we etale ago ofo, ku ma we eli  
anyo-wñ.**

**Luku 12:40**

**Amé ki ño f'ọla-mé mu jò, todù  
iko k'oné ma dò k' Qòma Oné awa  
n, iko lèjì awa.**

**Ewñ k'Amenukpuché Che 1:11**

**Óñ abo lè kakini, Abokéle  
Galili, ewñ chi ku mè dago ago**

**ojale-i? Jìsùs ku ma mugba b'umé  
eju tè tef ojale-i, alu ku mè li'u abu  
k'i alò tef ojale, abèlè i awa gè.**

**Matiu 16:27**

**Todù Qòma Oné ache k'i wa ef  
ojima Ata-wñ many' amonuché-  
wñ, ègbalè tak i adu ñw oné aкоji  
alu k'enènènènè che ẹwñ e-wñ.**

**Luku 21:27**

**Ègbalè taku ma ali Qòma Oné k'i  
awa kpai ukpahiu kpai ojima ki  
nana ef akpa.**

**Hibru 9:28**

**Abèlè gè alu ku ma du Kraisti  
tè onu'ka k'i n'adure amoné  
wewe, i atejugede onu'keji ubi  
adure ojoji ñw abo ku ma j'aneju  
owñ tod ujadu.**

# OLA OJO

Efojale kpai anę-ilę-i alale; i muda n'ugbo du k'ola-mi alale rinyo ofo n. —Luku 21:33

Oñ Jisus dohi nwu ma kakini, Ela me la abu ku mę ma ma Otakada Olojo n kp'ukpahiu Ojo n. —Matiu 22:29

Todu, ewñ ki du onę ędö n'achę eka du wa mama ta n: chai abo k'Afu Kiafọ nę ma alo k'ola ki kw'ugbo Ojo.

—2 Pita 1:21

Iñmi Ojo ch' eñmiru ola ọtakada-wñ du, i la chen' ile ku ma du k'onę, ku ma du ola-wñ biu onę, ku ma du owñ hi onę t'ona, ku ma du k'onę ola e-ki

d'ef ọkpakpa. —2 Timoti 3:16

Eli Ekọ D'Ojo 119:11

U m'ola-wę du maja ef ędö-mi, k'u we ed'uwe re.

Eli Ekọ D'Ojo 119:105

Ola-wę ch'emu ñw erek-mi i la ch'uganę ej'ona-mi.

Hibru 11:3

Ędö ekono chewñ k'a n'ibe-wñ ka ku ma f'okpanachi ọkpanachi ñwoche tẹ lugbo ola k'Ojo ka, todú ewñ k'eju ali-i watę kwef ewñ ki tejugede-i n.

Eli Ekọ D'Ojo 119:89

O Jihofa, Ola-wę dago kpaka efojale ogbegbele.

Published in numerous languages by World Missionary Press, Inc.,  
as God supplies funds in answer to prayer. **For questions or more  
information by country, visit: [www.wmp-contacts.org](http://www.wmp-contacts.org)**



World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

Read booklets online or by App  
[www.wmp-readonline.org](http://www.wmp-readonline.org)